

- 281 -

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
- OPĆINSKO VIJEĆE -

Broj: 01-05-1216/09

Datum, 30.03.2009. godine

Na osnovu člana 99. Poslovnika o radu Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 8.sjednici od 30.03.2009. godine, razmatralo je Izvještaj Općinskog načelnika o radu općinskih službi za upravu i drugih službi za 2008. godinu, pa nakon rasprave donijelo

## **ZAKLJUČAK**

1. Općinsko vijeće Zavidovići usvaja Izvještaj Općinskog načelnika o radu općinskih službi za upravu i drugih službi za 2008. godinu.

2. Uz Izvještaj iz tačke 1. predmetnog Zaključka, prilaže se diskusija sa sjednice Vijeća vijećnika Bašić Izeta, dipl.ing.agr., i čini njegov sastavni dio.

3. Zaključak stupa na snagu odmah.

**PREDSJEDAVAJUĆI  
OPĆINSKOG VIJEĆA**

(M.P.)

ing.Radosav Petrović, s.r.

**DISKUSIJA****vijećnika Bašić Izeta, dipl.ing.agr.****koja čini sastavni dio Izvještaja Općinskog načelnika o radu općinskih službi za upravu i drugih službi za 2008.godinu.**

Izet Bašić: - „Obzirom da sam ja obnašao funkciju općinskog načelnika u većem dijelu prošle godine, reći ću veoma kratko. Čitajući ovaj Izvještaj Općinskog načelnika primjetio sam da nedostaju neke stvari koje su odrađene, pa onaj ko čita sa strane i ne poznaje šta se radilo, može doći do zaključka da Općinskog načelnika nije ni bilo prošle godine, da nije ni radio. Konkretno ni riječi nije spomenuto o veoma bitnom projektu koji je rađen tri godine, to je projekat Tajašnice, zatim veoma malo ili nikako nije spomenut projekat zbrinjavanja Roma, zatim Spomenik šehidima, palim borcima i civilnim žrtvama rata 1992.-1995.godina koji je završen i primljen i vjerovatno nedostaje još puno stvari koje nisu pomenute, a koje su bile, ta sama aktivnost Općinskog načelnika u tom periodu, a i aktivnosti službi koje su radile na tome. Mislim da izvještaj treba biti dopunjen tim stvarima. Još sam na kraju htio da kažem i da čestitam nekim organizacijama koje su pomogle u realizaciji tog projekta, napomenut ću Luteranski svjetski savez koji je uzeo učešće, zatim OdRaz, zatim PEP international koji sad već i ne radi nosi novi drugačiji naziv. Smatram da bi ovo trebalo da sadrži ovaj izvještaj. Ja bih želio da se sa ovim dopuni izvještaj, sa stvarima koje su bile veoma bitne-značajne, ali je zaboravljeno. Smatram da izvještaj treba dopuniti. Na kraju kada su u pitanju ulaganja, radi se o krupnim projektima, da se to prikaže jednom cifrom, koja i kolika su ta ulaganja“.